

中國方志叢書·華北地方·第二六六號

據

清·馬毓華修鄭書香等纂
清·光緒十四年刊本

影印

陝西

甯羗州志
(一)

成文出版社有限公司印行

甯羌州志原序

甯羌屬漢中蓋葭萌舊壤疊嶂迴巖襟隴帶蜀國初設
衛守之至憲宗朝撫臣議建州治割略沔二縣三之一
以屬之舊有志前牧王齊東纂諸嘉靖閒者掇拾雖工
而體裁駁襍且時移勢改諸多不備志不修固司土之
責也不佞曷敢讓焉於是聘學正郭君同訓導謝君相
與裁故益新搜羅校對越三月創草相授而不佞以管
見所及更爲刪潤之因手其帙進鄉大夫而質之曰志
之作昉於外史其要歸於爲民而已前志謂羌民醇樸

蓋庶幾江漢之遺焉今雖風會日移迥非昔日之舊矣而瘠土之民善心易生誠能孚以忠信示以規條僻陋之俗亦未始不可潛移而默革也不佞年來雖毫無補益於茲土然於立教維風之事竊有志焉不自揣而以此貽之後人俾按迹而考其端緒以見得失政令之所由出則斯志之成未必非爲民之一助耳至於取類求其當核實務其嚴於昔人所謂甯謹毋濫甯質無華之旨正未之敢悖也於是預纂修者則楊君堂范君啟東位編輯者蔡子思順沈子愉王子紹先湯子自在蔡子

思齊也例得備書萬厯丁酉春奉直大夫知甯羌州事
廣武盧大謨撰

甯羌州志舊序

互古方域有志所以備考覽資政治而供史氏之采擇也武都山谷阻絕漢江深險先年潢池不靖明初建甯羌衛成化間改州於衛治舊志續自明萬厯丁酉刺史盧君大謨纂迄今二百餘年矣道光庚寅春余承乏斯土檢視州乘主藏吏僅以抄本數頁呈斷簡殘編無所謂誌夫修舉廢墜守土者責厯任何以久曠而弗講察其故蓋以地當窮陬疊嶂十室九空士鮮漸摩民多頑梗厯斯任者視爲傳舍爲陷阱而未肯留心潤澤焉余

以荒陋之腹尤不敢擅講著作況時值西口外山狃跳梁兵差輓輳復不暇及此辛卯冬

皇上命儒臣續輯一統志徵收天下輿圖大憲飛檄催賁

亟於編次噫二百年來文獻無徵典籍罕存將何以備採擇歟緣檢漢南郡誌乃廉訪嚴樂園先生守郡時重輯採訪未久其間山川關隘風俗學校以及建置田賦棧道水利之屬拾遺補略尙可採摘成帙於是廣延紳耆搜羅近日職官人物尤于教匪滋擾時一切殉難之忠臣義士節婦烈女諮訪而揚勵之續鐫梨棗集腋成

裘勉輯四卷更招聚同官廣文趙君敏卿牛君保齋參
軍吳伯潛考訂而較閱之雖未能義例精詳治法美備
庶可仰邀上公之覽希附一統之篇以抒芻蕘獻忠
之誠云爾時道光十二年歲次壬辰孟秋候補府同知
知甯羌州事雲安張廷槐撰

イミソシ

卷一

四

邑之有志記實也咸豐己未華奉檄查勘川陝口
隘時裕君仲蕃牧寧美志已不全光緒壬午華承
乏斯邑始得之僅三卷乃道光十二年張公所修
板燬於賊溯自光豐迄今中間五十六年川匪髮
逆疊相蹂躪凡政治損益道路變遷風俗轉移民
情好尚與夫忠孝節烈足以起頑立懦之事均茫

無所攷焉匪特有司之責抑亦都人士之羞也若
再聽其湮沒後之人將有採訪無從者華不揣謏
陋與同寮諸君取現存之殘本擴以近日之見聞
邀集紳耆周諮博訪草創而討論之閱半載稿牘
定雖義例未精當措詞不雅馴處甚多視康對山
之志或功韓王泉之志朝邑何敢望其肩背然于

方輿建置地利民情固已得其大概若夫修飾潤
色請俟諸繼起之賢是役也秉鐸鄭君小魚曹君
楷亭實司編纂其採訪檢校則王滌泉王虛堂高
文峯馮崇農諸公皆始終其事者也

光緒十四年戊子仲春知寧羌州上元馬毓華序

ウツリ

卷一

六

重修甯羌州志銜名

鑒訂

欽命署理陝西按察使陝安兵備道唐樹楠
欽加二品銜署陝安兵備道孫毓淦
欽加三品銜調署興安府特授漢中府知府奇臣
欽加鹽運使銜道員用特授興安府調署漢中府知府童兆蓉

編輯

陝西知府用即補直隸州甯羌州知州馬毓華

纂述



甯

羌

州

學

正

鄭書香

甯

羌

州

訓

導

曹良模

協脩

甯

羌

州

州

同

楊維祺

甯

羌

州

吏

目

靳相臣

總校

前

署

興平

縣教

諭試用

訓導

王日新

前

署

鄠

縣

教

諭試用

訓導

王樹鑑

候

選

直隸

州

判

乙酉

科拔

貢

馮

景雲

貢

生

高超

廩

生

蘇重華

廩

生

張映南

廩

生

馬士楨

生

員

張純熙

採訪

貢

生

李新槐

貢

生

賈占魁

貢

生

曾紹孔

寶昌州志

銜名

貢

生

楊作楨

貢

生

馮景星

貢

生

劉炳南

貢

生

趙國紀

貢

生

宋履泰

貢

生

燕桂樹

貢

生

馬登雲

貢

生

杜秀實

貢

生

王允中

貢

生

王允中